

მწყმესი



მე ვარ მწყმესი კეთილი: მწყმესმან კეთილმან სული თვისი დაქსდვის ცხოვართთვის. (იოან. 10—11).
 ვპოვე ცხოვარი ჩემი წარწყმედული. ესრეთ იუოს სინარული ცათა შინა, ერთისათვის ცოდვილისა. (ლუკ. 15—4).
 მოვედით ჩემდა ყოველნი მასურალნი და ტვირთ-მძიმენი და მე განგისვენო თქვენ. (მათ. 11—28).

№ 13

1883—1893

15—30 ივლისს.

იმერეთის ეპარქიის სამღვდლოების დეპუტატების მე-XXXII კრება ქალაქ ქუთაისში 22, 23 და 24 ივნისს 1893 წ.

რივის კრება იმერეთის სამღვდლოების დეპუტატებისა უნდა მომხდარიყო ამა წლის ოქტომბრის ანუ ნოემბრის თვეში, მაგრამ რადგან სასწავლებლის პანსიონის დახურვის გამო ახალი ხარჯთ-ადრიცხვა იყო მოსალოდნელი სექტემბრის თვიდან, ამისათვის ასე ადრე მოხდა ეს კრება: 22 ივნისს, კრების პირველ დღესვე, გამოცხადდა საკმაო რიცხვი დეპუტატებისა სხდომის გასახსნელად, თავმჯდომარედ ამ კრებაზედ სამღვდლოებამ აღირ-

ჩია მღვდელი პლატონ ცაგარეშვილი და საქმის მწარმოებლად მღვდელი ბესარიონ გოცასაძე. თავმჯდომარის ადრჩევის შემდეგ კრებაზე შემობრძანდა მათი უოვლად უსამღვდლოესობა იმერეთის ეპისკოპოსი გაბრიელი და, ჩვეულებრივად, მისცა სამღვდლოების დეპუტატებს მწყმეს-მთავრული დარიგება მათი მოვალეობის აღსრულების შესახებ, და შემდეგ მათი მეუფება შინ წაბრძანდა.

მათი მეუფების წასვლისათანავე, სხდომა გაიხსნა და დეპუტატები შეუდგნენ საჭირო კითხვების განხილვას. თავმჯდომარემ წაიკითხა რაპორტი დეკანოზის ცაგარეშვილისა, მირთმეული მღვდელ-მთავრისადმი, რომელმაც ითხოვა სამღვდლოების კრებისაგან, რათა სამღვდლოებამ იმერეთის ეპარქიის დედათა

სასწავლებლისათვის 10,000 მ., რომელიც სამ-
 დვდელოებამ ერთ თავის წინა კრებაზედ უკვე
 გარდასცა სასწავლებელს, მაგრამ სასულიერო
 სასწავლებლის სამმართველო არ იძლევა ამ
 ფულებს, ვითომ იმ მიზეზით, რომ ეს ფულები
 შეადგენდეს სასულიერო ოთხ-კლასიანი სას-
 წავლებლის საკუთრებას. ამასთან ამავე რაპორ-
 ტში ითხოვდა მ. დეკ. ცაგარეიშვილი სამდვდე-
 ლოების კრებისაგან, რომ სამდვდელოებას და-
 ენიშნა კომპიუტერი ქალების სასწავლებლის შე-
 ნობის გადასაკეთებლად, იგი ითხოვდა აგრეთვე
 პანსიონის განსნას დედათა სასწავლებელში ჭ
 წინადადების მიცემას გურია-სამეგრელოს ეპარ-
 ქიის სამდვდელოებისადმი, რომ იმანაც მიიღოს
 მონაწილეობა ამ დედათა სასწავლებლის შე-
 ნანვაში. კრების თავმჯდომარემ, დეკ. ცაგარეი-
 შვილის თხოვნით, პირველად ეს რაპორტი
 წაიკითხა ჭ თხოვდა კრებას, რომ პირველად
 ეს რაპორტი გარჩეულიყო ჭ გარდაწყვეტი-
 ლიყო.

დეკ. ბ. ცაგარეიშვილი. პირველად უნდა
 გაიჩინეს ჭ გარდაწყვეტეს ის საპატოო კითხვები,
 რომელთა გარდასაწყვეტად უმთავრესად ვართ
 ჩვენ აქ მოწოდებულნი ჭ შემდეგ შეიძლება ამ
 საგანზე მსჯელობა. მე გთხოვთ, რომ პირვე-
 ლად წაიკითხოთ წინადადება სასწავლებლის
 პანსიონის დახურვის შესახებ ჭ სასწავლებლის
 ახალი ხარჯთაღრიცხვა ჭ ამაებზედ იქმნეს
 მსჯელობა.

დეკ. ბ. ცაგარეიშვილი. (არა დეკლარაციას). მამანო
 დეკლარაცია! უმთავრეს საგნად მიმართა ეს კით-
 ხვა ჭ სრული იმედია, უკვლანი დაშეთანხმებით
 ამაზე. მე ვითხოვ, რომ პირველად უთუოდ ეს
 ადრული კითხვა იქმნეს გარდაწყვეტილი.

დეკ. დ. ლამბაშიძე. უოვლად შეუძლებელია
 ამ კითხვის პირველად გარდაწყვეტა, ვიდრემ-
 დის სასულიერო სასწავლებელში პანსიონის

დახურვის საქმე არ გარდაწყდება. თუ სასული-
 ერო სასწავლებელში პანსიონი არ დაიხურა,
 ჩვენ, შეიძლება, მეტი ხარჯი მოგვეთხოვოს ჭ
 არავითარი ფულის გადაცემა არ შეგვიძლია
 ვაქების სასწავლებლიდან ქალების სასწავლე-
 ბელში. თუ პანსიონი დაიხურა აქ, მაშინ, შეიძ-
 ლება, დედათა სასწავლებლის პანსიონს გარ-
 დაეცეს ბევრი გაუქმებული კრაოტები ჭ სხვა
 ნივთები. ამისათვის ეს კითხვა უკვლა კითხვების
 ბოლოს უნდა იქმნეს გარჩეული.

კრებამ ერთხმად გარდაწყვიტა ამ კითხვის
 გარჩევა სხვა კითხვების ბოლოს.

შემდეგ ადიძრა მსჯელობა პანსიონის და-
 ხურვის შესახებ.

ამ საგნის შესახებ ბევრი მსჯელობა იყო,
 ბევრი იფიქრეს, თითქმის მთელი ერთი დღე
 ილაპარაკეს ჭ ბოლოს კრება ისევ წინა კრების
 მოსაზრებას დაადგა ამ საგნის შესახებ. წინა
 კრებაზედ გამოთქმული იყო ის აზრი, რომ პან-
 სიონის დახურვით სასწავლებლის ხარჯთა-
 რიცხვას ემატებოდა 3500 მ. ჭ ამ კრებაზედაც
 ამდენივე გადაჩრა. სამდვდელოებამ გარდაწყვიტა
 ამ ფულებიდან ცხრა-ცხრა მან. დანიშნა თითო-
 ყელ ობოლ — დარიბ მაგირდზე თვეში. პანსიონში
 ინახებოდა სახელმწიფო ხარჯით 30 დარიბი
 მაგირდი. ენლა 48 მაგირდს მიეცემა კერძო
 ბინაზედ საშუალება ცხოვრებისა. ჩვენ სრული
 დარწმუნებული ვართ, რომ ამ ფულით უმჯო-
 ბესად ისაზრდობენ მაგირდები კერძო ბინაზე,
 რადგან ჩვენებურად მომზადებული საჭმელი
 უფრო ერგება მაგირდს, ვინემ პანსიონში მომ-
 ზადებული. მომავალ სექტემბრიდან დარიბ
 მაგირდებს საზრდო ფული დაენიშნებათ კერძო
 ბინაზე. ფულებს დაუნიშნავს მოწაფეებს სას-
 წავლებლის სამმართველო.

შემდეგ პანსიონის დახურვისა, შეუდგენ მომა-
 ვალი წლის სასწავლებლის ხარჯთა-აღრიცხვის
 განხილვას. სასწავლებლის სამმართველოსაგან

მომადმი წლის ხარჯთ-აღრიცხვა განიხილა და ამ ტიპის კრებამ ცოტა რამ ხარჯის შემცირებით.

ხარჯთ-აღრიცხვაში, სხვათა შორის, მოყვანილი იყო სასწავლებლის ეგკლესიის შესანახავი ხარჯი 100 მ., რომელიც სამღვდელოებს ეთხოვებოდა და სასწავლებლის მღვდლის ჯამაგირად 200 მან. ამ ხარჯების გამო დიდი ბასი ასტუდა კრებაზე.

დ. დ. ღამბაშიძე. სასწავლებლის ეგკლესია მართლ სასწავლებელს თითქმის არ ეკუთნება; ის არის მღვდელ-მთავრის კარის ეგკლესიათ და მასში ბევრი გორაზე მცხოვრებიც დაიარება. ნუ თუ ასე დარბია ეს ეგკლესია, რომ ზედაშესეფისკვრის და სანთლის ფული არ შემოდის? ამას წინეთ სამღვდელოებს სთხოვდენ ვიდაცა ქართული ენაზე კითხვის მცოდნე პრიჩეტნიკისათვის 50 მ. იმ შრომისათვის, რომელიც მას მოსდიოდა სასწავლებლის ეგკლესიაში დოცკეპის კითხვით. ამ თხოვნამ მე მომაგონა ერთი როტა შემდგარი ურია სალდათებისაგან, რომელიც სამღვდარზედ იგზავნებოდა და რომელიც გუბერნატორს სთხოვდა 10 უაზანი რუსის გატანებას გზაში. ერთ ადგილას ტუე უნდა გავიაროთ და, თუ ავაზაკები დაგვხვდენ ამ ტუეში, ეს უაზანები გვიშველიანო! მართლა, სირცხვილი არ არის მეოთხე კლასის მაგირდებისათვის მედავითნებს ვპირაობდეთ ხოლმე? ნუ თუ მაგირდებს არ შეუძლიათ, რომ თვითონ მოეხმარონ მღვდელს წირვა-ლოცვაზე? ნუ თუ ეგკლესიას სრულებით არავინ ჰყავს მიმხედველი, რომ იმდენი შეაგროვოს სანთლისა და შეწირული ფული, რომ სამღვდელოებს აღარ ეთხოვებოდეს მისი შესანახავი ფული? ვსთქვათ, ამ ეგკლესიას ადარავინ ჰყავს მზრუნველი და არაფერი აღარ აქვს; ნუ თუ ზედაშეზე და სეფისკვერზე საჭირო არის წელიწადში ასი მანეთი? ამ ეგკლესიაშიდ წელიწადში რომ იწიროს 50-ჯერ, მეტი არ მოხდება. იანგარიშეთ, 50 ნახევარი ბოთლი დვინის ფასი რას შეადგენს და 250 სეფისკვრისა სამსამი კაპეიკი?—სულ შეადგენს 15—17 მანეთს. რა საჭიროა ამისათვის 100 მანეთი?

სამღვდელოებამ ეგკლესიისათვის გარდაწვიკტა 20 მანეთი სეფისკვრისა და ზედაშესათვის.

მე-XXIX სამღვდელოების კრებაზედ დეპუტატებმა გარდასწვიტეს, რომ სასწავლებლის ეგკლესიის მღვდლად, მოძღვრად და ეკონომად დანიშნულიყო სემენარიაში კურს დამთავრებული, მაგრამ სასწავლებლის მთავრობამ არ ისურვა სემენარიელი მღვდლად და ერთი პროგმნაზიაში კურს დამთავრებული აირჩია ეკონომად და სასწავლებლის მოძღვრად. დღეს სამღვდელოებამ ეკონომის თანამდებობა გააუქმა და რუსეთის სასწავლებლების მიხედვისამებრ, სადაც სასწავლებლის მოძღვრებად მღვდელ-მონაზონებს ნიშნავენ, აქაც, ქუთაისის სასწავლებელშიაც, მაგირდების მოძღვრად და ეგკლესიაში მწირველად დანიშნა მათი მეუფების ეკონომი და კარის ეგკლესიის მწირველი მღვდელ-მონაზონი გრიგორი, რომელსაც დაუნიშნა შესაფერისი ჯამაგირი.

— თანაშემწე სასწ. ზედაშეს. ი. გ.— შვალა. მ. დეკანოზის სიტყვის შესახებ იმის გამო, რომ, ვითომც ჩვენ მკითხველი მედავითნე დაგვპირავენ ბინოს მაგირდებისათვის, მოგახსენებთ ორიოდ სიტყვას. არასოდეს არ დაგვიპირავენია ჩვენ სასწავლებლის ეგკლესიაში მკითხველი მედავითნე და არასოდეს არ უოფილა საჭირო ჩვენთვის. ის მედავითნე, რომელსაც სამღვდელოებამ ნუთი თუმანი მიცა, კათედრის სობოროს მედავითნე იყო და ზოგიერთმა პირებმა შემწეობა აღმოუჩინეს და ტუეილა ამოვიწეს სამღვდელოებისაგან ფულები. სასწავლებლის მაგირდები უოველთვის კითხულობდენ და დღესაც კითხულობენ საეგკლესიო წიგნებს ეგკლესიაში და მათთვის მედავითნე სრულებით საჭირო არ არის.

(დასასრული შემდეგში).

მ წ ა რ ე ფ ი მ რ ე ბ ი.

კონსტანტინეპოლის ბერძნული გაზეთი «ნელო-გოს»-ი იუწყება, რომ ბოლგარიის ექსარხოსს განუზრახავს ბოლგარიაში და მაკედონიაში რომთან უნის*) შემოღება. როგორც გვარწმუნებს გაზეთი, რომთან მოლაპარაკება იმ ზომამდე მისულა, რომ ექსარხოსი აპირებდა რომში გამგზავრებას პაპსთან, მაგრამ პორტამ გაუგრა ეს განზრახვა და აღუკრძალა კონსტანტინეპოლიდამ გასვლა. ამისათვის ბოლღარიის ექსარხოსმა გადასდრა რომში წასვლა.

ეს ამბავი, თუ მართალია, ძლიერ სამწუხარო არის ყველა მართლ-მადიდებელთათვის. დღეს იქნება, თუ ხვალ ბოლგარიის ერის მიმართულება სარწმუნოების შესახებ დროთა ვითარებისა გამო სულ სხვანაირად შეიცვლება. ბოლღარიის ერს არ უნდა თავის თვითარსებობის დაკარგვა. ოთხასი წელიწადი სლავენტა ერი თათრის უფლების ქვეშე იტანჯებოდა და წვალობდა. არავის არ ეგონა, რომ ბოლგარელებში სრულებით მკედარი არ იყო ეროვნული და თვითარსებობის გრძობა. მაგრამ წარმოიდგინეთ, ამდენი ხნის განმავლობაში არა თუ მომკედარა, არამედ დიდის სიმტკიცით დატულა და შენახულა ეს ძვირფასი თვისება ხალხისა. ყველასათვის ცხადია, თუ რა აიძულებს ბოლღარიის სამღვდლოებას და ერს რომის პაპის ეკკლესიის თავად აღიარებასა...

წინეთ ოთხ მილიონზე მეტი მართლ-მადიდებელი ვალიციელები მიეკედლენ რომის პაპის მფარველობას. ბოლგარიამ და მაკედონიამ თუ ეს განზრახვა შესრულა, მართლ-მადიდებელ ეკკლესიას მოაკლდება თითქმის რვა მილიონი სული. ქეშპარი ტად დიდი პასუხის მგებელი იქნება, ვინაც შეიქმნება მიზეზად ამდენის სულის განშორებისა მართლ-მადიდებლის ეკკლესიისაგან.

ყოველივე უბედურების მიზეზად, რაც კი თავს ჰხდება ბოლგარიას, ზოგიერთნი ასახელებენ ვითომ სტამბულოვს, — იმ სტამბულოვს, რომელიც სასულიერო სემინარიის მესამე კლასიდან ყოფილა გამოსული. მაგრამ გასაკვირველი ის არის, რომ ეს მესამე კლასიდან

გამოსული პირი, ბ. სტამბულოვი ასე მარჯვედ ჰმართავს ხუთ მილიონ ხალხს. საკვირველი არის, რომ კიდევ ვერ მიძებდარან ზოგიერთნი, რომ საქმე სასწავლებლის დამთავრებაზედ კი არ არის დამოკიდებული, არამედ კაცის ნიჭსა, გამჭრიახობასა და მონერხებაზე. განა ცოტანი არიან იმისთანა პირნი, რომელთაც არა თუ საშუალო და მაღალი სასწავლებელი არ დაუმთავრებიათ, არამედ წერა-კითხვაც არ სცოდნებიან, მაგრამ შესანიშნავი პირები ყოფილან? აიღეთ, თუ გინდ მაჰმადი, იმან ზომ წერაც არ იცოდა და გადაავლეთ თვალი მის ურიცხვ მოწაფეებს!...

ღიახ, სამწუხარო მოვლენათა ეხედეთ და მართლ-მსჯელობას და შორსგამჭერეტელობას მოკლებულნი ვართ...

* *

ამას წინეთ ერთ პირთან გვექონდა ბაასი იმის შესახებ, რომ ეკკლესიაში ამ უკანასკნელ დროს ხალხი ძალიან ნაკლებად დაიარება წირვა-ლოცვაზე. ამ პირს ჩვენ ჩამოვუთვალეთ მრავალი მიზეზი ხსენებული სამწუხარო მოვლენისა. მაგრამ მას უმთავრეს მიზეზად მიაჩნდა მღვდლების უსწავლეობა. როგორ უნდა იმღვდლოს ისეთმა პირმა, დიდის მწუხარებით გვითხრა მან — რომელსაც საეკკლესიო საბუთის რუსულად დაწერა და შედგენა არ შეუძლია?! ვისაც ეხლანდელ სასწავლებლების პირველი კლასი მანც შეუსრულებია, მას რასაკვირველია რუსული ენა შეწავლილი ექნება და საბუთის დაწერაც უნდა ენერხებოდეს; და თუ ამდენი სწავლა კაცს არ შეუძენია, ის, რასაკვირველია, ვერც კი იმღვდლობს. ჩვენ მოვახსენეთ ამ პირს, რომ უმეტესი ნაწილი წმ მოწამეთა და სხვა ღირსთა მამათა, რომელთა გვამნი ნაწილად და თაყვანის საცემად დაგერჩენია, თითქმის მოკლებულნი ყოფილან ეხლანდელი დროის სწავლის მიღებას და საბუთების შედგენაც ეხლანდელის დროის მოთხოვნილებისაებრ დიდათ საძნელო იქნებოდა მათთვის. გასაოცარი არის, რომ ქალაქებში, სადაც მღვდლები სემინარიელები და აკადემიელები არიან და მშვენიერადაც სწერენ, იქ წირვა-ლოცვაზე ხალხი უფრო ნაკლებად დადის, და მიყრუებულ სოფლებში კი, სადაც მღვდელს ბატის ფეხურად შეუძლია მხოლოდ ხელის მოწერა სხვისაგან დამზადებულ და დაწერილ საბუთებზე, თუ აღრე

*) უნია ნიშნავს თავის ეკკლესიის ტიპიკონით რომის პაპსთან დაკავშირებას და ეკკლესიის თავად პაპის აღიარებას.

არ მისწარი ეკლესიაზედ, მერე ვერც კი შეხვალ მასში, ისე არის ხოლმე გაქეპილი მლოცველებით. ძლიერ გაუკვირდა ამ პირს ჩვენი ნაპშობი და პირველად არ სჯეროდა. არ სჯეროდა, იმიტომ რომ ჩვენში, საუბელურად მართლის თქმას ყველა ერიდება. ამას წინეთ ერთი უცხო საპატია პირი შესულიყო ეკლესიაში და რომ მლოცველები მცირეოდენი შეენიშნა, კეთხნა მოძღვრისათვის, რა მიზეზია, რომ ასე ცოტა მლოცველი მოსულათ. «ღიღი ხანი არ გახლავთ—მიუფო ამ მოძღვარმა, რაც ჩვენში დაარსდა ქრისტიანობის აღმადგენელი საზოგადოება». ვითომ და ამ საზოგადოების დაარსებამდე ჩვენში ქრისტიანობა არ ყოფილა!...

არასოდეს არ დაგვაფიწყებდა ერთის პატისა-ცემი მღვ—რის სიტყვები, რომელიც მან სამღვდლოების კრებაზედ წარმოსთქვა: «პირველ მოსვლაზე ეპარქიაში რ—ში ენახე სწორედ ჭეშმარიტი ქრისტიანები. მათში ენახე ჭეშმარიტი ქრისტიანული სიყვარული, სარწმუნოება, სასოება და ზნეობა. ეს თქვი რომ, აისწორედ აქარიან პირველის საუკუნის ქრისტიანები-თქო. ოც-და-რვა წელიწადია, რაც ეუქადაგებ მათ, ოც-და-ათი წლის შემდეგ ეს ხალხი მე ვეღარ ვიციანი: მაგრად გაუღდამს აქ ფესვი ჩაძულვილს, შურს, მტრობას, ბოროტებას; შესუსტებულა ზნეობა და სარწმუნოება. რისი ბრალია ეს? რას მივაწეროთ?» აი ჭეშმარიტად კითხვა, რომლის ასახსნელად ყველანი ღრმად უნდა ჩავფიქრდეთ!...

ყოველმა ებრაელმა მშვენიერად იცოდა ათი მცნება და ნიადაგ თვალის წინ ედგა იგი. მრავალ გზის უხსნიდა და უმარტებდა მოსე წინასწარმეტყველი და ყოველს თავის მოძღვრებას სასწაულებით უმტკიცებდა ებრაელებს, მაგრამ ჰქონდა თუ არა ამას გაეღენა ებრაელების ზნეობაზედ! იქცეოდნენ თუ არა იგინი ათი მცნებისამებრ? არ იქცეოდნენ და ამისათვის ისჯებოდნენ კიდევაც.

ნიადაგ წინ გვიძევს სახარება და უმაღლესი მოძღვრება მაცხოვრისა, ათასჯერ წაგვიკითხავს მცნებანი უფლისანი, მაგრამ ვიქცევით თუ არა მცნებათაებრ? არის თუ არა ჩვენში ძმობა, ერთობა, და ქრისტიანული სიყვარული? ძლიერ მცირე ებრაელებს მიეტყვება მათი შეცდომა, ჩვენ, ქრისტიანებს

კი არა. დაესცინით და ეუბნებთ ებრაელების ღრობის ფარისევლებს და ჩვენ თვითონ ძეალსა და რბილში გაგვიჯღღმია ფარისევლობა. ეს არის მიზეზი, რომ ჩვენ სიტყვა-მოძღვრებას ვაველენა არა აქვს...

ეკრძალონით ქველის-საქმესა თქვენსა, რათა არა ჰყოთ წინაშე კაცთა სახილველად მათა. ხოლო რაჟამს იქმოდე ქველის-საქმესა, ნუ ჰქადაგებ წინაშე შენსა, ვითარცა იგი ორგულთა ჰყვიან შესაკრებელთა მათთა და უბანთა ზედა, რათა ილიდნენ კაცთაგან, ამინ გეუყვიოთ თქვენ: მიუღებთეს სასყიდელი მათი. ხოლო შენ რაჟამს ჰყოფდე ქველის-საქმესა, ნუ სცნობნ მარცხენე შენი, რასა იქმოდეს მარჯვენე შენი». (მათ. თ. 6 მ. 1—5).

აი რას გვიბრძანებს ჩვენ წმიდა სახარება. ვასრულებთ ამ სახარების სიტყვებს? გვიყვარს საიღუმლოდ ქველის-საქმის ასრულება? ასში ერთს ჩვენი კეთილი საქმე ჯერეთ უნდა გავაფრცველოთ და გამოვაქვეყნოთ სიტყვიერად, ნაცნობების და მეგობრების წყალობით, შემდეგ გაზეთების წყალობით უნდა შევატყობინოთ მთელის სახელმწიფოს და დედამიწის მცხოვრებთა. შეიტყუეთ ყოველთა ჩვენი მოქმედება და საქციელი, იცოდეთ ყველამ, რომ ჩვენ ამისთანა ქველის-საქმე ჩავიღინეთო. ვასაოცარია მაინც ებლანდელი ღრობის ფარისევლური თავის ქება. ერის კაცობაში ამ სამწუხარო მოვლენას ყოველთვის ჰქონდა ადგილი, მაგრამ სასულიერო წოდება მაინც შორს იყო მისგან. ეხლა, სამწუხაროდ, ეს სენი მასაც გადაედო. გადათვალე რეთ საიუბილეო დღესასწაულებანი სხვა-და-სხვა პირთა, წაიკითხეთ ქების შესხმითი სიტყვანი. რას არ გაიგონებს და რას არ მოისმენს კაცი ამ სიტყვებიდგამ! ერთი ამბობს: «შენ ხარ სჯულთა მეცნიერი, ყოველივე კანონის და მათის განმარტების მცოდნე; საქმის გარდაწყვეტის ღროს შენ ხელმძღვანელობდა სახარებითა და საღმრთო წერილითა; შენი სამართალი იყო სამართალი მსწრაფლი, მიუღვამელი და ჭეშმარიტი» და სხ.

მეორე ამბობს: «შენ ხარ სიქადული და სინარული ყოველთა, მოწყალე და შემარაღე გაჭირებულთა, უვეცხლო და უანგარო, ქვრივთა და ობოლთა შემწყალე, მწუხარეთა ნუგეშიანის მცემელი, მშვიერთა გამომხდელი, შიშველთა სამოსელი, უსა-

სოთა სასო, სწეულთა მკურნალი» და სხ. ავიწყდებოდათ ამ მკვერ-მეტყველთ, რომ ამ სიტყვებით მიმართვა ხორციელის კაცისადმი შეუფერებელი და უადგილოა.

ღიან, საძაგელი დრო დადგა, დრო თავის ქებისა და ტრაზახობისა. ამ ნაკლულევენებამ ადამიანისამ ძლიერ ღრმად გაიდგა ფესვი. ეს სენი ხოლერასავეით მოედო ყველას, მწერლებსაც და მეგაზეტებსაც. წინეთ რომ სასირცხოდ მიჩნდათ ზოგიერთ მწერლებს თავის ქება და ტრაზახობა, დღეს თვითონ იქებენ თავის თავს სხვა და სხვა ფსევდონიმების საშუალებით. ორი მწერალი ერთი ერთმანეთს ჰპირდებიან ქება-დიდებას. მაგალ. ბაშირი აქებს ჰამზას, მისთვის რომ ჰამზა აქებს ბაშირს. სანო აქებს სტეფანეს და სტეფანე სანოს...

თვით რედაქტორებიც რომ შეიცვალენ! ერთი პატივცემული რედაქტორი ამას წინედ სწერდა: თქვენს წერილს ვერ ვებუქდაეთ, რადგან ცოტა რამ ქება არის ჩვენ შესახებო და სირცხვილია ჩვენი ქება ჩვენსავე გაზეთში დაებუქდოთო. დღეს დრონი იცვალენენ! ეს აზრი დაძველდა. აი ესლა იმავე გაზეთში რას ეკითხულობთ:

«დაპკრა სასურველმა წამმა და კანელებს მიეცათ საშუალება, პატივი სცეს საქართველოს საუკეთესო მამულიშვილს, ერის იმედს და სიქადულს, თავადს ილია გრიგოლის ძე ჭავჭავაძეს»...

ყველანი დამეთანხმებიან, რომ მთავარი მიზეზი ჩვენის აქ შეყრისა არის პირადი სურვილი თვითონ ულისა, საერთო სურვილად გარდაქცეული, — გვენახა ჩვენი ძვირფასი და მასთან იშვიათი სტუმარი ილია გრიგოლის ძე ჭავჭავაძე და ხანგრძლივ გვეყურნა მისთვის, რომ სამუდამოდ შთაგვებუქდა მისი სახე გულში“...

თქვენ, დიდებულო მამულიშვილო, გაქვთ მონიჭებული ციური ძალა, რომელიც ძალთა მძღვობს, თქვენა გაქვთ მონიჭებული ზეგარდმო ნაპერწკალი, რომელიც უტყვებოდ უარესად სწევას, რასაც შეეხება...

კაცმა რომ იკისროს თქმა იმისი, თუ ი. გ. ჭავჭავაძე ვინ არის, თვით ის კაცი ძალიან ჭკუიანიც უნდა იყოს, განათლებულიც და ლიტერატორიც, მომეტებულად ქართულ ენაზედ, მასთან — მკვერ-მეტყველიც... ამ კაცმა ჩვენი ქვეყანა ყოველის მხრივ აღწერა და გააცნო მთელს ხმელეთსა (sic!), ვინ ვი-

ყავით ჩვენ ქართველნი წინა დროსა; ქართლის დედას ნანათი ათქმევინა ჩვენი წარსული და აწურო, ბედი და უბედობა... შენ ხარ სასიქადულო და საყვარელი, შენით თავს ვიქებთ მისთვის, რომ თვითონ შენ სიმართლე ხარ, გაქვთ და ვადიდებთ (უკუნი-თი უკუნისამდე ამინ — ალბად შემთხვევით დაეიწყებოდათ)...

მე საქიროდ არა ვრაცხ ჩამოეთვალო ყველა ღირსებანი ამ დიდ ბუნოენი (!) კაცისა, რადგანაც ყოველს ქართველს კარგად აქვს გაცნობილი მისი მოღვაწეობა და ის ქართველი კი, რომელმაც ეს არ იცის, ქართველად არ ჩაითვლება...

დღეს მთელი თელავის ქართველობა ლიტანიობს (წმინდა ილიას გლოზით) და ასრულებს შეძღებრსა გვარად (და არა ღირსეულად), თავის წმინდა (თუ წმიდა) ეალსა. ამისი მოწამეა აქ დამსწრე საზოგადოება და ზეცას უხილავნი არსებანი, რომელნიც თელაველებთან ერთად ღაღადებენ...

ძალა, რომელმაც შეგვკრიბა დღეს ჩვენ აქ, გახლავთ პირდაპირი მოვალეობა ყოველის ქართველისა — პატივი (და თაყვანი) სცეს იმას, რომელმაც სრული (!) თვისი სიცოცხლე განატარა საქართველოს ერის საქმეთა გაძლოლაში; შესწირა თვისი პირადი ინტერესი საზოგადოებისას, იტირთა მძიმე დროში ერისა და აქამომდე გამარჯვებით ატარა... ერთი მიზრძანეთ, ვინ არ გაუაქიზდება სულით, გულით და მიმართულებით, თუ-კი შეითვისებს და შეისისხლ-ხორცებს მცნებას გამოთქმულს თავ. ილიას ნაწერებში. ამიტომ თავ. ილია ღირსია სრულის თაყვანებისა და მადლობისა». (ციდეც ამისათვის ესწვრდით: არა არს ღმერთი თვინიერ ღვთისა და წინასწარმეტყველი მის იარს ილია-თქო). (იხ. «ივერია» № 129).

ჩვენ მოგყავს ეს სიტყვები თ. ი. გ. ჭავჭავაძის გაზეთიდან. მკითხველი თვითონ მიხედება, რამდენად შეესაბამება ეს თავის ქება საზარების სიტყვებს და ადამიანის ღირსებას. სამწუხარო მხოლოდ ისაა ამ შემთხვევაში, რომ ეს პირში მაქებარნი თავისის ქებით და დიდებით დიდათ ამდაბლებენ ბ. ი. ჭავჭავაძეს საზოგადოების თვალში, მეტადრე მით, რომ ამ ქება-დიდებას მისავე გაზეთში ბეჭდავენ. აი ეს არის სასირცხო და სასაცირო და ყბად ასაღებიც და წყალ-წასაღებიც, თუ გინდა და არა ის, რომ «მწყემსი»-ს რედაქტორმა მადლობა შესწიროს ღმერთსა

50 წლის სიცოცხლისა და 25 წლის შეძლებისა-
გარად ეკვლევის სამსახურისა და საზოგადოებას 10
წლის განმავლობაში გაზეთის გამოცემის საქმეში
შემწეობისა და თანაგრძნობის აღმოჩენისათვის.

ყოველივე ამისთანა შეხედულების მიზეზი არის
ფარისებული სიმყავე, რომელიც ეხლანდელ დროში
ასე გასჯდომია ძეალსა და რბილში ყოველ ადამიანს.

არ შეგვიძლია ამ თელავში გამართულ მშენი-
ერის ნადიმის შესახებ არა ეთქვათ ორიოდ სიტყვა.
სწორედ ქვის გული უნდა ჰქონდეს კაცს, რომ იმ
დროს, როდესაც გვერდით შიმშილით მომაკვდავ
ადამიანს ჰხედავს და თვითონ კი შეება-ლხენას
ეძლეოდეს, არიარალოს და თარიარალოს იმღერო-
დეს მშენიერის კახურის ღვინით გაბრუებული. რა
სამწუხარო სურათია; ერთის მხრით შიმშილისაგან
დაწუხებულ ადამიანთა გრაფა, მწარე მწუხარება
და ღრჭენა კბილთა და მეორეს მხრით საქართველოს
იმედი—ახალი მცნების მომცემი, ერთად შეკრებილი
მოწინავე რაზმი, მწუხარეთა ნუგეშინს-მკვებელი,
მშვირთა მსაზრდოებელი, უსასოთა სასოება, თანა-
მოძმეთა წყლულის მკურნალად გამხადებული, კა-
ხური ღვინის გასაღების გზის გამკვლევი, და მშვირ
მოძმეთა მწუხარების გასაქარებლად მაყრულის
მომღერალი.

აზიის ერთ ადგილს სულის ამოხდენის
დროს მომაკვდავს უმღერიან და ჰფიქრობენ ამ მღე-
რით სიკვდილის წვალება შეუმცირონ მას. მაღლობა
ღმერთს, ჩვენ შიდაც ვხედავთ აქა-იქ ამ საქციელის
შემდეგართ... რუსეთის დამშეული ხალხის გულიათვის
ნადიმები და ქეიფობა შარშან წინ ყოველგან მოს-
პობილი იყო, მაგრამ ქიზიყ-კახეთში, ხომ რუსები
არ ცხოვრებენ!... ჭეშმარიტად „შევიისხლობო რკეთ“
ყოველი მცნება და სწავლა-მოდღერება «საქართვე-
ლოს იმედი»-სა:

რომ ბედში მყოფი შენ მხად მიგაჩნდეს, ეგ გერაფერი სოფარულია,
ძიბუგა ის არის, კაცს ის უგვარდეს, გინც ბედისაგან დაჩაგრულია.

* * *

თფილისის სასულიერო სემინარიის მასწავლე-
ბელი ბ. თეოდორე ქორდანია «საქართველომს მო-
ამბის» მე-13 №-ში მოგვითხრობს, რომ სემინარიის
რექტორს გამოუტყდა სემინარიასთან დაარსებული
ერთ-კლასიანი საგანგებო(?) სამრევლო სკოლის
მოწაფენი, დიდათ ნასიამოვნები დარჩენილა მო-
წაფეთა წარმატებით და იქვე მაღლობა გამოუტყდად-
ბია, სკოლის გამგის, სემინარიის პედაგოგიკის მასწავ-
ლებლის თეოდორე ქორდანისათვის...

ულირსა სოფლის მღვდელ-

უშაქლანი მოსწავლე მართებლობას.

ისწავლეთ, ყრმანო, დრო არის სწავლის, აწ
აღარა ხართ უსუსურები,
ბუნებამ უხვად შეგამკოათ ნიჭით, აცქვიტეთ, ნორჩნო,
სმენად ყურები.
სწავლა მერპისშიდ გაგიტყბილდებათ, არ დამირჩებით
უმადურები,
სწავლით მოიძიეთ მკენიერებას, სწავლით განდებით
სიბრძნის ჭურები.

პირველ ყოვლისა ადიდეთ ღმერთი, განსოვდესთ,
მასშიდ სუფევს საშვება;
არ დაივიწყათ კაცთა ხსნისათვის ნაზარეველის ჯვარ-
ზედ წაშვება,
მტკიცეთ დაიცეთ სარწმუნოება, თუ რომ გნებავდესთ
სულით ჰაშვება,
ეინც აქა თქმულებს არ აღასრულებს, იგი ცხოვრე-
ბით მოიშხამება.

ვიცი წინასწარ, როგორც ქართველნი განის-
წავლებით თქვენ დედა ენით
მას უკან გირჩევთ, უტხო ენების სწავლას წყურვი-
ლით დეწაფენით;
რა დამთავროთ თქვენი მიზანი, სამშობლოშიდღე
დაბრუნდით ფრენით,
ხალხი წყვდიადს მორევშიდ ბრუნავს, სიბენლისაგან
გამოიხსენით.

სწავლით გონების განვითარება კაცის ღიდების
საფეხურია,
სწავლას მპარავი ვერ წარიპარავს, არც ძალადობით
სატაცურია,
სწავლა აშუქებს კაცობრიობას, ის უმეტრების
სანათურია;
ხალხით საფეხ ჩენი ქვეყანა, მაგრამ ჯერ ვითომ
უკაცურია.

თუმცა ამ ყმად გეყავს ორი-სამი მაღლის
სწავლით მომზადებული.
მათგან პირველი მამულისათვის იღვწის და ზრუნავს
თავდადებული,
ღლისით აკეთებს საერთო საქმეს, სიწმინდის გრძნო-
ბით გატაცებული,
ღამით ხნივსა ჰვენს თაეის ერობას მისგან ლამპარი
განათებული.

იგი არ ეძებს სიმდიდრის პოვნას, ის ოქროს ბრჭყალოს არ ემონება, ღიღებულა მისი მიზანი, შორე დაფრინავს მისი გონება, მოძმის სახმარად გარდაუდებია, რაც ახალი მთელი ქონება; ამისთანა შეილს მისი მშობელი მკერდშიდ ამაყად ჩაეკონება. ხშირად ათენებს ღამეს უძილოდ ის საზოგადო მოღვაწეობით, თავის სამშობლოს ემსახურება დღულაღვის მაღალ-ზნეობით, მირბის, მიჰქროლავს, შორს სარბიელზედ იმედს არ ჰკარგავს უშემწყობით, დანიშნულებს მის აღწეულად გამკლავებულა სულის მხნეობით. მეორე რაზმი მის წინააღმდეგ ჩვენ დაგვიხატავს არა რაობას, რაღაცა სულით დამდამლებულა და აღარ მოჰგავს ახალს თაობას. ეხედავთ ამაშიდ ეგრესტის სიხარბეს გაბორბლებულს სულით ავობას, მამულისადმი უზრუნველობას და ათას ფერადს სხვა და სხვაობას. ის არ ეძიებს ერის სიმდიდრეს, საკუთარს ჯიბებს ემსახურება. მას ვერ მოალებენს ხალხის ღიღება, ვერც დაანადგურებს ღამესათა ჭირი მისთვის შეება, ქერიე-ობლის კენესა არ ეყურება; ღარიბს ზურგს აქცევს, მდიდარს თაყვანს სცემს, თავზედ ევლება, ეფათურება. ის აღარ წაჰგავს ძველებურს ქართველს, შესცვალა სრულათ თავისი ფერი, დაჰკარგა ნდობა მან ხალხონრობის და სიყვარული ამ სოფლიური, სიტყვით სამშობლოს არის ერთგული, საქმით ძირს უჭირბის, მუხთლობს ცბიერად, მოძმეთა ძარცვავს, მოყვასთა სტანჯავს, მაგრამ ვერა სცნობს კიდევ მას ერი!.. აწ, როცა მამულს დაუბრუნდებით მზა, აღჭურვილნი მეცნიერებით, მაშინ დასტკებით სულით და გულით მის გარეგანის მშენიერებით;

ეს ორი რაზმი წინ დაგინებდათ, თვალი ადევნეთ გონიერებით; სრული ნება გაქვს, ერთი მათგანი აღმოარჩიეთ თქვენივე ნებით; მაგრამ ვიშივი, თუ გამიცრუელა თქვენ გან იმედი გულს ჩანასახი და აღმოიჩინეთ ისეთი რაზმი, ვისაც წილად ხედა წყევს და ზრახი; უსასო ქართველს მაშინ ათასჯერ განუმრავლდება ოხერა და ახი; მისთვის უკუღმა დატრიალდება წაღმა მბრუნავი ბედისა ჩარხი. თქვენ ეჭირებით ვნლა სამშობლოს, მოღით და მის წინ მოხარეთ ქელი, შექმსუბუქეთ ტვირთ დამძიმებულთ, თქვენ ხართ იმისი წინამორბედი; ნუ დაუკარგავთ სახელს ქართველებს, ძღვევამოსილის აზის ბეჭედი; ღროს ვითარებით სოფლისგან ტანჯულს კელავ შე-არიგეთ გამწყვრალი ბედი; თავადა სამონ გუგუნავს.

ფ უ უ უ ნ ე ბ ა

(გავრქელება *)

აი რაში მდგომარეობს ქვეყნის გაღვივლათიანობის შესახებ განსხევაება. როცა სამეჯლიშო სანთლები დააქრეს ჩვენის გულუხვის მასპინძლის ოჯახში, რა დარჩა მეჯლიშითგან?—არაფერი, ხშირად კი მხოლოდ გულდაწყლულებული თავმომწონობა, დატვირთული სტომაქები და აშლილი საგრძნობლები. საზოგადოების კაპიტალი შემცირდა ორკეცად: შემოიფლანგა საქმელ-სასმელები და ადამიანის ძალები. პირიქით, როცა დამთავრებულთა სასარგებლო სამამუშაო, რომელსაც იმდენი სასაქმო მიუცია შრომისათვის. რჩება მორწყულ-განაყოფიერებული, ანუ გამშრალებული და საუკეთესოთა გაპატონებული სახნავ-სათესი მინდორი, რომელიც იძლევა უფრო მეტს პურს, ტყე უკეთესათ დაკული და უფრო ბევრის ხე-ტყის მასალის მომცემი, გაწყობილი ახალი მან-

*) ის. «მწყემსი» 11, 1893 წ.

ქანა და სამუშაო იარაღები, რომელნიც აწარმოებენ უფრო ბევრს საქარხნო ნარეწს, ახლად გაყვანილი რკინის გზის რტო, რომელიც ეზიდება ხალხს და საქონელს აქეთ-იქით უფრო იაფად და სხ. და სხ. ერთი სიტყვით ქვეყანა მდიდრდება და უფრო მაწარმოებელი ხდება. სასმელ-საქმელი, ჩაცმა-დახურვა იაფად ჯდება და რომ შემონახენი კაპიტალი საქმეში ჩაყარდეს, გაჩნდება უმეტესი მოთხოვნილება მუშა ხელთა და სანამუშევროც ზევით იწევს. მომუშავეისთვის, მამასადამე, გამოდის ორკეცი სარგობა.

აი კიდევ სხვა სარგობანი. დასაჯერებელია, რომ ერთი და იგივე ფული, საფუფუნოთ დახარჯვის მაგიერ, მიმართულია სასარგებლო ხარჯებზე, შეინახავს ერთსა და იმდენსავე რიცხვს მუშებისას როგორც სოფლებში, ისე ქალაქებში. მაგრამ სოფელში ამდენისავე ფულით კარგათ გაისაძლისებს უფრო მეტი რიცხვი მუშებისა, იმიტომ რომ სანამუშევრო ქისა სოფელში უფრო ნაკლებია, ცხოვრება კი უფრო იაფია. ამის გამო იმავე ფულით ბევრათ უფრო მეტ მუშებს დაიქირავებდა კაცი. მეორედ, მიუცილებელის და სასარგებლო საგნების წარმოება უფრო სამუდამოა, ვინემ საფუფუნო საგნების წარმოება, რათგან უამუქანასკნელბოდ კი გაძლებს ადამიანი, უპირველბოდ კი ვერა. წარმოიდგინეთ, რომ რომელმანმე საპოლიტიკო ან საეკონომიო სათუბობამ (კრიზისმა) შეარყია ნდობა და შეამცირა შემოსავალი; მაშინ ყველანი მომჭირნობას გასწევენ ყოლაფერზე უმაღლეს მოთხოვნილებათა დამაკმაყოფილებელ საგნებზე და ამიტომ უსამუშევროთ დარჩებიან საფუფუნო საგნების საწარმოებელი მუშები. მოდათა ცვალებანი ფუფუნების სამეუფოში ხდება აგრეთვე მიზეზად მრავალთ სატანჯელთა. ფლანდრიის სოფლებში ქალ-ვაყები აკეთებენ ერთგვარ ბაბთებს, ეალანსიურად წოდებულთ. ამას წინათ მოდამ დამაჯობინა ბრუსელის და ვენეციური ბაბთები: ამის გამო ვალანსიულ მებაბთეების ხელფასი ძლიერ დაეცა და ისინი დღეს შიმშილით იტანჯებიან. იმაზედ სამუშაორო ძნელად თუ რამეა, როდესაც რომლისამე მემოდე მკერვალ ქალის ხუმტურმა და აჩემებამ უნდა დამსხვრევიროს გარაები (რაზედაც ბაბთას ქსოვენ) ამ ნაზ, გაწურთილ და დახელოვნებულ თითებში. ასე ამ გზით, ფუფუნება, კაპიტალის განვითარების შემფერხებელი, აძლევს მომუშავეებს ნაკლებს საწრომს და ნაკლებათ სანდო სამუ-

შაოებს, ვინემ არის სასარგებლოთ მოსახმარ საგნების წარმოება.

ამბობენ კიდევ, ვითომც ფუფუნება ფულს ატრიალესო და არ აჩერებსო უსაქმოთ. ესეც ახალი უთავბოლობა. ფულის ტრიალს თავისთავათ არავითარი სარგებლობა არ მოაქვს. ისე სწრაფათ ფული არსად არ ტრიალებს, როგორც საყომარბაზო წვანე მაულზე. ერთნი წააგებენ, მეორენი მოიგებენ ხოლმე მილიონებს; მაგრამ ქვეყანას რა ემატება? დღეს ვინღა ისე ბრიყვი, რომ ფული ქილაში შეინახოს და მიწაში დაფლას? მამასადამე ფული მუდამ ტრიალებს. მაგრამ ამასობაში უნდა ყურადღება მიექცეს იმას, თუ რას შერება ფული, როცა ხელით ხელში გადადის, აწარმოებენ საგანძურს განკარგებას რასმე და აკმაყოფილებენ ქეშმარიტს ადამიანურ მოთხოვნილებათა, თუ, პირიქით, აჩენენ აუარებელ უსარგებლობათა, რომელნიც აკმაყოფილებენ გრძნობაარობას, მედიღურობას და თავქარიანობას.

გაიფლანგა, ვთქოთ, შუშუნანებისთვის ათი-ათასი მანათი: ფილოსოფოსი, თეოლოგი და ეკონომისტი კიცხვენ ამას. პირიქით, ჩერჩეტები ტაშს უკრავენ: ფული ხომ ამ ქვეყანაშივე რჩებაო? ახალი სიბრიყვე. რასაკვირველია, ფული რჩება, მარა ამ ფულში გამომეტყველი დოვლათი გაქრა იმ შუშუნანებთან ერთათ. ქვეყანაში იყო ორი კაპიტალი, ერთი ფულად, მეორე თოფის წამლად, რომელაც მოხმარებოდა ამოსატებათ ქვისნახშირის—თუ სხვა მადნეულისა, ანუ ქედ-გვირაბების გასაკაფათ, რათა გემბესა და ლოკომოტივებს გასასვლელი მისცემოდათ. როცა კი შუშუნა დაიბუგა, დარჩა მხოლოდ ფული. მეორე კაპიტალი გაქრა ბოლივით. მოხმარება ნიშნავს ყოველთვის სპობას. და ამასთანავე უნდა მიექცეს ყურადღება იმას, ამ მოსპობამ, სამუქაფოდ თვისდა, მოიტანა თუ არა დამაკმაყოფილება რეალურ საჭიროებათა, ან შექმნა ახალი წარმოობის საშუალება? ყოველი მოხმარება შეადგენს არსებთათ მონაცვლებას. თქვენ გავციოთ არსებული საფასური; რა მიიღეთ სამაგიეროთ? თუ მიიღეთ ისეთი რამ, რაც ამაგრებს სხეულს და ამაღლებს სულს, გავითარებას ერთერთის, ან ორისავე ამ მხრით, ჰო, ეს კაი საქმეა. თუ მიიღეთ ის, რაც აღძრავს ხოლმე სიამაყეს და ცუდმედიღობას, ე. ი. არაფერზედ უარესს რასმე, მაშ ეს ცუდი მორიგებაა.

ამაგებიდან გამოდის, რომ უფუნურათ და უკანონოთ იქცევა სახელმწიფო, როცა «გამოსაჩვენებლათ» ვადებულის ფულებს საშუალობით აძლევს თავის მოხელეებს ღონისძიებას გახდენ მავალითათ ფუფუნებისა. ამით სახელმწიფო აფერხებს კაპიტალის გადაღებას, და მაშასადამე, მრეწველობის და საშუალო ხელფასის აწევის წინსვლას. უფრო სასურველია, პირიქით, რომ ეს საზოგადოებრივის ხელთუფლობის წარმომადგენელი ცხოვრებდენ სადათ და თაყვალათ. ამიტომაც დემოკრატიულ სახელმწიფოებში, შვეიცარიასა და ამერიკის შტატებში ჯამაგირებში უფრონაკლები განსხვავებაა, ვიდრე ჩვენში. დაბალი მოხელეები უფრო მეტ ჯამაგირებს იღებენ, ვიდრე მაღლები, შედარებით...

ეს გზადანუღო შეხედულობა ფუფუნებაზე ასეა გამოკლებული, მაგრამ უწინაც ბევრი იყენენ და ღღესაც ბევრი არიან სწავლულები, რომელნიც ჰგონებენ, ვითომ ფუფუნება იყოს წყარო სიმდიდრის, არ კიცხვენ მას და იციწყებენ, რომ იგი არის მიზეზი ზნეთხრწნილობის და დაცემულობისა.

ფუფუნება რომ სრულობითაც არ იყოს, მაშინ ღარიბები არ იქმნებოდენ. ეკონომისტებმა უნდა იხმარონ ყოველი ღონე, რათა ძირფესვიანათ ამოფხვრან ის შეცდომილი შეხედულება, ვითომც ფუფუნება ეკონომიურათ სასარგებლო იყოს, რაკი შრომას ასაზრდოებსო. ისინი უნდა ჩასჩინებდენ საზოგადოებას, რომ ცუდმედიდობა, უქმობა და უსაქმობა გარყენილება ილევენ დოვლათს, რაცა შეიძლება სასარგებლოდ ხმარებულიყო სხვას რაზედმე. სანამ ზნეობა განვითარდებოდეს იქამდე, რომ ყველა ასრულებდეს მის კანონებს, მანამდე ეკონომისტები უნდა უხსნიდენ საზოგადოებას, რომ ფუფუნება ნთქავს კაპიტალს მისს სათავეშივე, უმწიფარ პურსა მკის და ყოველ შემთხვევაში საზარალოა ეკონომიურათ; ნურას ვიტყვით აქ ზნეობითს და ფიზიოლოგიურ მაინებლობაზე.

ჰედაგოკიური მენიშვნები სამრეწლო სკოლის მასწავლებელთა საუურადღებოდ.

(წერილი მებუფე)

გაკვეთილებისათვის ნუსხის შედგენა ყოველ დღისათვის საათობით თვითრეული კვირის განმავლობაში პირველ-დაწყებით სკოლებისათვის ადვილი საქმე არ არის. ყველა მასწავლებელს არ შეუძლია შეასრულოს ეს ისე, როგორც რიგია. ვსთქვათ, მასწავლებელს ჰყავს სამი განყოფილება, რომელიც მოთავსებულია ერთს ვიწრო ურიგოდ განათებულს ოთახში, სკოლაში არ მოიპოვება ბევრი უსაჭიროესი სწავლაში დამხმარებელი ნივთები და საკლასო კუთვნილებანი, რისგამო მასწავლებელი იძულებულია ბევრი სასარგებლო ვარჯიშობა უარჰყოს ბავშვებთან. მასწავლებელმა ერთსა და იმავე დროს უნდა იმეცადინოს სამ განყოფილებასთან, რომელიც ცოდნით და გონება გახსნილობით ძრიელ განირჩევა ერთი მეორესაგან. ამიტომ, ამ გარემოებათა გამო, მასწავლებლის მხრით დიდი გამოცდილებაა საჭირო, რომ ყველა განყოფილების მოწაფეები, კლასში მეცადინეობის დროს, ყოველთვის მოუტენებოდ საქმეში იყონ გართულნი. უეჭველია, რომ ყველა ეს გარემოება სახეში უნდა ჰქონდეს მასწავლებელს გაკვეთილებისათვის ნუსხის შედგენის დროს. სამ განყოფილებაში ამნაირად უნდა მეცადინეობდეს მასწავლებელი: ერთს განყოფილებაში თვითონ მეცადინობს რამდენიმე წამს, ამ დროს სხვა ორ განყოფილებას მისცემს მასწავლებლის დამოუკიდებლად შესასრულებელ სამუშაოს; როცა ამ სამუშაოს შეასრულებენ, მაშინ მასწავლებელი იმ განყოფილებას, რომელშიდაც მეცადინეობდა, დაუნაშნავს თავის თავად მასწავლებლის დაუხმარებლად შესასრულებელ სამუშაოს და გადავა სხვა განყოფილებაში, მოისმენს პასუხს მოწაფეებისაგან, მისცემს მათ კიდევ სამუშაოს და გადავა კიდევ სხვა განყოფილებაში. ამნაირად მასწავლებელი მუდამ გადადის ერთი განყოფილებიდან მეორეში, მეორედგან მესამეში და ხელმძღვანელობას უწევს მოწაფეებს სწავლების საქმეში, ცდილობს, რომ არც ერთი მოწაფე უსაქმოდ არ დასტოვოს, არამედ ყველას მიაწვდინოს შესაფერ

ჩისი სასულიერო საზრდო. როდესაც მასწავლებელს ანაირად აქვს წარმოდგენილი სწავლების საქმი, ის ცდილობს, რომ გაკვეთილების ნუსხაში, რომელიც ყოველ კვირისათვის წინდაწინ უნდა შეადგინოს, მოაქციოს შინაარსი ყოველ საათში მეცადინეობისათვის თვითონ განყოფილებისათვის. ამასთანავე მასწავლებელი უნდა აქცევდეს ყურადღებას გაკვეთილების ცვლას იმ რიგზე, რომელიც უფრო კეთილნაყოფიერია ბავშვების განმრთვობისათვის, უნდა მიექცეს ყურადღება სხვა-დასხვაფერობას გადაცემაში და იმ გარემოებას, რომელიც მოითხოვს განსაკუთრებით თვისება რომელიმე სასწავლო საგნისა. მაგალითად ისეთი საგნები, რომლის შესწავლა უფრო ძალდატანებით ყურადღებას ითხოვს მოწაფეთაგან, საჭიროა ისწავლებოდეს დილით, პირველ გაკვეთილზე, როცა ბავშვების გონება ფხიზელია და დასვენებული. შემდეგ ამათ უნდა მოჰყვეს ისეთი საგნები, რომლებიც უფრო ნაკლებ ძალდატანებას ითხოვს ყურადღებისას როგორცა წერა, ხატვა, გალობა, გიმნასტიკა და სხ. საჭიროა, რომ ბუნების მეცნიერებლებთან ცნობები შეისწავლებოდეს გაზაფხულზე, ზაფხულზე ან აღრე შემოდგომაზე, როდესაც მასწავლებელს ადვილად შეუძლია უჩვენოს მოწაფეებს ცოცხალი ვეგეტატიური მცენარეებისა, მწერებისა, ქვეწარმავალთა და სხვისი, რომელიც სხვა დროს არ მოიპოვება. თუ ამგვარი გეგმის დღგენა ყოველთვის არ შეძლება შეუტყულებლად, უნდა გვახსოვდეს, რომ ეს შეადგენს უპირველესს საშუალებას, რომ უბრალოდ და უსაქმოდ დრო არ იკარგებოდეს და მასწავლებლის მოქმედებასაც ჯეროვანი შედეგი მოჰქონდეს. განსაკუთრებით პირველ-დაწყებით სახალხო სკოლებში, როგორც შენიშნულია საუკეთესო პედაგოგებისაგან, აუცილებლად საჭიროა დაწერილებითი გეგმა სწავლებისა, რომელიც წინდაწინ უნდა უჩვენებდეს მასწავლებელს, როგორც ზომათა და თვისებათა სასწავლო მასალისას, აგრეთვე სასტიკად მოფიქრებულის თანდათანობას, გონიერულად განხილვას, განრიგებას სასწავლო მასალისას.


ბევრს საუკეთესო პედაგოგებს ძალიან სასარგებლოდ მიაჩნიათ სწავლების საქმის წაყვანა კონცენტრირულ წესზედ; ეს წესი იმაში მდგომარეობს, რომ ერთი და იგივე წრე ცოდნისა ანუ ერთხელ

გადაცემული მასალა განმეორდება რამდენჯერმე, თანდათან ერცელებს და იხსნება დაწვლილებით, ანაირად სწავლების დროს ახლად შექმნილი ცოდნა უერთდება წინანდელს, მიემატება მას, ერცელებს, დიდდება და ბოლოს კი ყველა შექმნილი სწავლა რომელიმე საგნიდან წარმოადგენს ერთს შესაფერისს მთელს.

თუ გვინდა, რომ ყველა ცოდნა მკვიდრად შეითვისოს ბავშვმა, ჩვენ უნდა ესცილობდეთ, არ გავანაწილოთ და მეტი ძალა არ დავატანოთ ბავშვების გონებით ძალას ძლიერ რთული პროგრამით; არ უნდა ვასწავლოდეთ ბავშვს ბევრ საგანს ერთბაშად, უკეთესია ზოგიერთი საგნის სწავლება სხვა დროსთვის გადაიდეს, რომ მოწაფე არ დაიქანცოს. ბევრი საგნის სწავლება ერთსა და იმავე დროს ძლიერ ასუსტებს ბავშვის სულიერ ძალას, ამიტომ უცხო ენებს არაოდეს არ უნდა ასწავლიდენ ბავშვებს იმაზედ აღრე, სანამ სამშობლო ენას არ ექნება მკვიდრი საფუძველი ჩადგმული. ბავშვებისათვის სწავლება რამდენიმე უცხო ენისა ერთად შეადგენს დიდ პედაგოგიურს შეცდომას, პედაგოგიურ ბარბაროსობას, მაგრამ, სამწუხაროდ, ეს ჭეშმარიტება ამ ქამად ბევრისაგან უსაფუძვლოდ უარყოფილია. ამას უარს-პყოფენ როგორც ზოგი ჩვენი სოფლის მასწავლებლები და მათი უფროსები, აგრეთვე ბევრი ჩვენი უმცარე დედ-მამაც, რომელნიც, ბავშვი აღვაძს ენა თუ არა—ნაცელად თავის დედა ენაზე ტიკტიკისა, ბუნების წინააღმდეგ, ცდილობენ უცხო ენაზე დაწყებონ ლაპარაკი. ამას მოყვება არა საკვირველი შედეგი—ბავშვი, როცა წამოიზრდება, ევრც დედა ენაზე ლაპარაკობს ხეირიანად და ევრც უცხო ენაზე.

დ. ბოცვაძე.

(დასასრული შემდეგ №-ში)



ბედიის ტაძარი.

(დასასრული *).

როგორც ბაქრაძის მეორე გამოცემული ზედწარწერა ბედიის ტაძრის ბარძიხვდ „ამტიცეს, ეს ტაძარი უნდა იყო აშენებული მეთექვსმეტე საუკუნის დასასრულს. ახლა ეს ბარძიხი ინახება ილოარის ტაძარში და ფეხი აქვს მოტყუებული. მის გარშემო აწერია

შემდეგი: «წმიდაო დედა ლეთისაო მეოხ ექმენ წინაშე ძისა შენისა ამა ბარძიხისა შემომწირველთა, ტაძრისა ამის აღმაშენებელთა და საკურთხეველისა ამის შემკობთა აზნაზეთის მეფესა ბაგრატს და დედასა მისსა დედუფალს გურანდუხტს».

მეორე ზედწარწერა ბარძიხის ფეხის გარშემო: «ყოვლად წმიდაო ვლახარნისა ლეთის მშობელო მეოხ მექმენ წინაშე ძისა შენისა დღესა მას განკითხვისასა ცვად-ფარვად ჩემდა ბედიელ მიტროპოლიტსა გერმანე ჩხეტიძესა ამინ».

ბროსეს გადმოუღია ერთი ზედწარწერა დასავლეთის კუთხის ქვაზედ: «წმიდაო დედაო ლეთისაო

*) იხ. „მწიგნობრობის“ № 12 1893 წ.

მეოხ ექმენ გალატოზთ უზუცესსა სიჴონს, ამშენ-
ბელსა წმიდისა ამის ტაძრისა. ამინ.

სამხრით, კედელზე ბროსეს დროს ყოფილან და-
ხატულნი სიპალით დადიანი გიორგი და დედა მისი
მარეხი. მის გვერდით ამოუკითხავს შემდეგი ზედ-
წარწერა ფერადი წამლითა: «ღიუფალთ ღიუფალი
მარეხ და შვილი მისი ერისთავი და მსახურთ უზუ-
ცესი დადიანი გიორგი». ეს უნდა იყოს ლეენ და-
დიანის შვილი, რომელიც განაგებდა სამეგრელოს
მეთექვსმეტე საუკუნის გასულს. ბაგრატ მესამის გვამი
წამოიღო ზვიად ერისთავმან ფანასკერტიდან და და-
საფლავა ბედიას. აქედან უნდა ვიგულისხმოთ, რომ
დედოფალს გურანდუხტს და მის შვილს ბაგრატ III ს,
აფხაზეთის მეფეს, აუშენებიათ ეს ტაძარი კარის ეკ-
კლესიად და გაუხდიათ თავის სასაფლაოდ.

ბედიის ტაძარი ფრიალ შესანიშნავია თავისებუ-
რობით და თითქმის ყელა საქართველოს ტაძრებზედ
უფრო ატყვია ამ ეკლესიას უძველესი ქართული
ხუროთ-მოძღვრების კვალი. გარეგანი ქანდაკი კა-
რებზედ და ფანჯრებზე შეიცავს ქართულ გრეხილთა
ნაქარგს, რომელიც თავისებურად აზის დაწყობილი,
შემკული და ჯერ კიდევ სვეტის ზოლებად არ გა-
დაქმნილან. ამგვარი ხელოვნება არის ნიმუში უძვე-
ლესი აზიის ხელოვნებისა, რომელიც იმ დროს აღარც
ვიზანტიაში და არც დასავლეთის ევროპაში არ სკო-
დნიათ. ამგვარი სახეები ხელოვნებისა მხოლოდ სა-
ქართველოში შენახულა.

ბედიის ტაძრის გეგმა ჯვარის სახედ არის მოყ-
ვანილი. დასავლეთისაკენ ჰქონია შეენიერი ხუროთ-
მოძღვრების გეგმაზე აგებული ფარდული (პო-ტიკი-
სტოვა). შიგნით ორ სართულიანი ხორო, რომლის
ზემო ნაწილი კამარებით უნდა ყოფილიყო შეერთე-
ბული თვით ტაძრის გუმბათთან. მას აქვს სამწირ-
ველო, შუაგული ყველაზე უდიდესია. შიგნით ტა-
ძარი ყოფილა მოხატული, ცა ჰქონია თორმეტ კუთ-
ხიანი ბოყეთ შეკრული. ორს განის საკურთხეველში
ორ-სართულიანი ოთახებია დატანებული ზემო სარ-
თულის ოთახებში კიბის მუდგმელად ვერ ავა კაცი.
როგორც ეტყობა აქ ყოფილა ტაძრის საღარო და
საგანძური. შიშინაობის დროს აქ უნდა შეენახთ
ყოველი ძვირფასეულობა. თვით სართულში შესა-
ვალი კარი ისე იკეტებოდა, რომ უცხო კაცი ვერ
შენიშნავდა. როგორც აქ დახატულ ნანგრევიდან
სჩანს, ბედიის ტაძარი მეტად წამბდარა და დაშლი-

ლა დროთა ვითარების გამო. დღეს იგი შეფოთლი-
ლია სუროებით და ნანგრევზედ ხეებია ამოსული.

ხუროთ-მოძღვარს პავლინოეს დაწერილებით
შეუსწავლია მისი გეგმა, გაუზომავს და შემდეგ
აღუდგენია მისი სურათი, რომელიც აქვეა დახატუ-
ლი. მეთექვსმეტე საუკუნეში გიორგი დადიანს და
მის ღელას მარეხს ეს ძველი ტაძარი შეუკეთებიათ და
მისი კვალი დღესაც სჩანს აღმოსავლეთის კედელ-
ზედ, გარედან, გეგმის შეუფერგელი მოქანდაკებული
ჯვართა. ეს ჯვარი სრულებით არ ეთანხმება ტაძ-
რის დიდებულს შენობას და ხუროთ-მოძღვრების
გემოვნების წინააღმდეგია: ეახუშტის დროს მეთერა-
მეტე საუკუნეში ბედიის ტაძარი ჯერ კიდევ არ ყო-
ფილა გაუქმებული.

ახალი ამბები და შენიშვნები.

ორის-სამის წლის აღძრულმა კითხვამ ბოლოს
მიადწია განხორციელებას.

ამ მოკლეს ხანში დაბა ყვირილას დაარსდება
წიგნთ-საცავი ქართულის და რუსულის განყოფა-
ლებით. მიზნად ექნება წიგნთ საცავს — მიწოდოს
ადვილად და საშელავათო პირობებით კითხვის მსურ-
ველთ საკითხავი მასალა. იმედია ასეთ დიდ დაბაში
გამართულ სამკითხველოს, გამოუჩნდება ბლომად
მკითხველები და თვითონ წიგნთ-საცავიც პირნათლად
დააშთობს ამ სასიამოვნო წყურვილს საზოგადოეი-
სას. დაწერილებით ყოველივე პირობებს და გარე-
მოცბას წიგნთ-საცავისას მსურველი გაიგებს თვით
ყვირილაში ან «მწყემსსი»-ს შემდეგის №№-ბილამ.

* *

რუსეთმა მიმართა ბოლღარიის მმართველებს და
მოსთხოვა იმ ფულია შემრტანა, რომელ-ც ერგებოდა
მას ბოლღარიის ოკუპაციისათვის, ე. ბოლღარიამ
ვაგზავნილ ჯარით დახმარებისათვის. ენლა გახეიები
იუწყებან, რომ სტამბულოვი უარს ამბობს ამ ფულის
გადახდაზე და პიოიკით თხოვს რუსეთს რაღაც
ფულებსაო განსათავისუფლებელ ომიანობამდე 1877
წ. რუსეთში ინახებოდა, ერთომ და დიდი თანხა,
ბოლღარელებში შეკრებული და ზოგიერთ პატრიოტ-
თავან შეწირული. რამოდენიმე ნაწილი ამ ფულებისა

კიდევ ინახება და ბუნარესტის რუსულ საელჩოში. ამისათვის სტაპულაოვის მმართველობამ წარადგინა ნუსხა ამ თანხსა და ამობს, რომ ეს თანხა ბევრის წილად აქარბებს კიდევაც რუსეთის მიერ მოთხოვნილ ფულებსაო.

* *

«ივერია»-ში ეკითხულობთ: „ნება დართულია სახელმწიფო ხაზინიდან უოველ წლივ მიეცეს სამღვდელეობას ორას ორმოცდაათი ათასი მანეთი, ვიდრე მთელის იმპერიის ეპარქიების ყველა კრებულს ჯამაგირი არ დაენიშნება ხაზინიდან. ჯამაგირი ასე განაწილდება: მღვდელს 100 მან. მაგიერ 600 მანეთი, მთავარს 80 მანეთიდან 300 მანეთამდე, დიაკვნებს 40 მაგიერ 200 მანეთი». ამას წინეთ «ივერია»-ში უფრო მეტი დაუნიშნა სამღვდელეობას ჯამაგირებად. ვერ გაგვიკია მთავარს თუ 300 მანეთი დაენიშნება, დიაკონი ვილა არის, რომ 200 მან. ენიშნება? სინოდის უქაზში კარკად იყო განმარტებული, თუ ვის და რამდენი დაენიშნება ჯამაგირი; მაგრამ ზოგიერთმა გაზეთებმა ამ უქაზის უნაარსი ვერ გაიგეს და კიდევ იძახიან საქართველოს სამღვდელეობას 600 მანეთამდე დაენიშნებაო. 600 მანეთი დაენიშნება რამდენიმეს საექსარხოსოშიაც, მაგრამ იმათ კი არა, რომელთაც ცოტაადენი აქვსთ დანიშნული, არამედ სულ სხვა პირებს და სხვა სამღვდელეობას. «ივერიის» გამოანგარიშებით თუ მართლა ამდენი ფული დაენიშნა მღვდლებს, მოაერებს და მედავითნებს საჭირო იქნება სულ ცოტა რომ ეთქვათ ოცდა ათი მილიონი; და თუ ყოველ წელიწადს 250,000 მანეთი გამოაოცა ხაზინიდან, ასი წელიწადია საჭირო, რომ ყოველმა სამღვდელეობა პირმა მიიღოს ალთქმული ჯამაგირი. ზოგიერთს ჩვენს სამღვდელეობას კი ჰგონია, რომ ორ სამ წელს შემდეგ ყველა 600 მანეთს მიიღებს! იმეოია ასის წლის შემდეგ გადასახადიც კარგა ბარაქიანად მოემატება სამღვდელეობას. ვინც მოითმენს ამდენ ხანს რასაკვირველია, მოესწრება რამეს.

* *

2 ამ თვისას დ. დ. დამაზიძემ შემოუერთა მართლ-მადიდებელ სარწმუნოებას დროებითად ყვირილაში მცხოვრები ავეტის გიორგის ძე პოლოსოვი, სომეხ-გრიგორიანთა აღსარებისა, 26 წლისა.

* *

კაცი, რომელმაც განიზრახა უწ. სინოდის ობერ-პროკურორის მოკვლა, ყოფილა სემინარიელი ვლა-

დიმერ გიაცინტოვი. იგი იენისის 23 დილის მატარებლით მიუყვანიათ პეტერბურგში და დატყაობრებოთ. დამნაშავე შობილდგან არის 19 წლისა, მაგრამ უფრო მომეტებული ხნისა უნდა იყოს. იგი არის სსკოვის სემინარიის მეხუთე კლასის მოწაფე, სოფლის მკვდლის შვილი, ჰყავს ძმები; ერთი ძმა სწავლობს ახვე სემინარიაში, მეორე მასწავლებელია. ამ ძმასთან, როგორც დამნაშავემ აღიარა, იგი წაჩხტებულყოფილა. როცა პირველი ჩვენება ჩამოართვეს დამნაშავეს, მან სთქვა, რომ მე განზრახვა არა მქონია მომეკლა ობერ-პროკურორი, მხოლოდ ასე მიჩვენებოდა. შემდეგ სთქვა, რომ იმან უცაბედად მოიქნა დანა, მას არ ახსოვდა, რას შერგობდა; შემდეგ დაუმატა: ძმას წაეგზებე, მისგან შენწეობას აღარ ველოდი და ამიტომ სრულდებით უიმედოთ დაერჩი. ამიტომ განვიზრახე თავის მოკვლა, მაგრამ ვერ გაებედე, შემდეგ განვიზრახე რომელიმე მინისტრის მოკვლა. უფრო მოსახერხებლად დაენიხე ობერ-პროკურორის მოკვლა. ეს დამნაშავე მატრის თოვიდგან ყოფილა პეტერბურგში, სანხედრო ლაზარეთში, სადაც მისთვის მარჯვენა ფეხში გაუკეთებიათ ანერაცია. 21 იენისის ის გამოსული ლაზარეთიდან, მაგრამ უჯობოთ სიარული მანც არ შეუძლია. როგორც სინს ლაზარეთშივე განუზრახეს დამნაშავეს ობერ-პროკურორის მოკვლა და ლაზარეთის მოსამსახურისათვის უყიდვინებია ის დანა, რომლითაც შეუტოვა ობერ-პროკურორის. დამნაშავეს გაუფია, რომ ობერ-პროკურორი ყოფილა „ცარსკი სელოში“, და მაშინვე წასული იქ ორთქლის მატარებლით. აქ შეუტყვიდა, თუ სად სცხოვრებს ობერ-პროკურორი, და ეტლით წასული მას ბინაზე. როცა დამნაშავე შეიპყრეს და პოლიციაში მიიყვანეს, ობერ-პროკურორი მისულია პოლიციაში და უკითხავს დამნაშავესათვის: «რას მერჩოდი, რომ მოსაკლავად მომეარდი? პირველად დამნაშავეს უარი უთქვამს და შემდეგ გაჩუმებულა და პასუხი აღარ გაუცია.

* *

ცნობილი პროფესორი ვირხოვი წარსდგა ახალ რეისტრაციის სადებუტატო კანდიდატად. 27 მაისს, ბერლინის მეორე ოლქის ამომრჩეველთა შეკრებილებაში მან წარმოსთქვა სიტყვა, რომელსაც ამომრჩეველნი მიეგებნენ ხანგრძლივის ტაშის ცემით. პროფესორი თავის სიტყვაში კითხვებს შეეხო, რომელნიც აწმყო დრომ პირველ კითხვად დასახა და განსაკუთრებით უმთავრესს მათგანს — სამხედრო კანონპროექტს: «პროექტის შეწყნარება უსათუოდ გააღიღებს, და ძალიანაც გააღიღებს, სამხედრო ხარჯთ-აღრიცხვას (ბიუჯეტს) და დააწყება კისერზე ხალხს, იმ საწყალ

რედაქციის პასუხი.

ხალხს, რომელსაც ტყაყი უნდა გააძროს ყოველგვარმა ახირებამ და გამოგონებამ. მარტო ერთად დაბინადრება ჯარისა მოითხოვს 102 მილიონ მარკას, გადამეტს ხარჯს. მერე, ვანა მილიტარიზმის მოთხოვნები, რომ კიდევაც ნებას დაჰყვეს გერმანელი ხალხი, მარტო ამ კანონპროექტს დასჯერდება? სრულებითაც არა, ეს უძირო ქვეყანა. ხმელეთის ჯარის რეორგანიზაციას მოჰყვება ფლოტის რეორგანიზაცია, რომელიც უფრო მეტს ხარჯს მოითხოვს. ამ უკანასკნელ ოცი წლის განმავლობაში ჯარმა მთანთქა აუარება ფული მოულოდნელ ხარჯად, სამი მილიარდი მარკა, და კიდევ მთანთქას ეხლაც და მომავალშიაც, დასასრულიც არ ექნება... როდესაც სახელმწიფო და საზოგადოებრივის ცხოვრების საფუძვლიანი და მიუცილებელი საჭიროება მოითხოვს ხარჯს რიგთან მუშაობისათვის, მაშინ ფული არ არისო, ამობრუნ, საიდან და როგორ ჩნდება ფული ჯარისათვის?! მოსაგერებელ ომისათვის საკმარისს ჯარს კი აღარ ჯერდებიან ეხლა, პირიქით იმდენად ღონიერი ჯარი უნდა იყოლიონ, რომ თვით მტრის მიწა-ადგილზედ შეეძლოს შებრძოლება. მაგრამ მართებლობას არ შეუძლია და არც ნება აქვს, არამც თუ მოსთხოვოს, არამედ მოვლოდეს ხალხისაგან ომის დასაწყებად მულამ მომზადებულს ძალას. დიდი ჯარი მულამ მზად რომ იყოს— ეს კიდევ ვერ ააშორებს მხარეს ომიანობას. სამხედრო გასაეალი კიდევ უფრო და უფრო იმატებს ახალ და ახალ გამოგონებათა მეოხებით. გერმანელებმა აშკარად და საბოლოოდ უნდა უარყონ სამხედრო კანონპროექტი და ნურც გაიფიქრებენ იგინი აზრად, რომ ამ უარყოფის შემდეგ მართებლობამ მიმართოს უკიდურესს და ძალდატანებით ღონისძიებას: განსაზღვროს, ანუ გააუქმოს საზოგადო უფლება“.

კრებამ დასტური დასცა პროფესორის ვირხოვის შეხედულებას და გადასწყვიტა ყოველივე ძალღონით დახმარებოდა ორატორის სარეისტაგო წარმომადგენელად ხელმოკრედ არჩევასა.

ა ბ ი ა თ ა რ ს. თქვენი ლექსები არ იბეჭდება.
 დ. ნ. ოქრო—ვის. თქვენი კითხვების განუმარტებლობის მიზეზი ის არ არის, რასაც თქვენ ფიქრობთ. თანხმობით და სიყვარულობით თუ რამ გაკეთდება, თორემ უკმაყოფილებით არაფერი კეთილი არ ასრულდება თქვენ შორის.
 დ. პ. ჯიქიას. საღმრთო წერილის წიგნები თუვილისიდან დაიბარეთ.

მლ. გ. დარა—ქეს. არ გვეჯერა, რომ მთავარ-დიაკონმა 300 მანეთი შესწიროს ეკლესიას მხოლოდ ქველ-მოქმედების მიზნით. ამ ბოლო დროს რაღაც განშირდა ზოგიერთი დიპლომატიისა და დიაკონებისაგან შესწირულება 300 და 400 მანეთობით. ჩვენ ვიცით რამოდენიმე პირი, რომელთაც ვალად აიღეს ფულები და შესწირეს ეკლესიებს. ამისთანა შესწირულება არც ღვთისაგან არის მოსაწონი და საქები და არც კაცთაგან...
 ივერიის ქართველთა სავანის ბერები დიდ-სიღარიბეში არიანო და როგორ შესძლეს 500 მ. ხაჯის შესწირვა?...

მღვ. ფ. ბარბაქაძეს. მემკვიდრეობის მოწმობა მღვდელს არ შეუძლია მისცეს მთხოველს. ეს საშოქალაქო სასამართლოს საქმეა.
 მღვდ. ი. კამავას. თქვენგან მოწერილი კითხვები წინეთ იყო განმარტებული და მეორეთ აღარ იბეჭდება.

თეკლათის საზოგადოების მცხოვრებ. თქვენი წერილი შესანებ მღვდლის მხ—სა არ იბეჭდება. დაფარული პირებისაგან მიღებულ წერილებს ჩვენ არ ვებეჭდებთ ჩვენს გამოცემაში.
 დ. გ. გ—ს. ვგონებ წიგნების რიცხვს აღემატება შემწირველთა რიცხვი. რომ ვიცოდეთ, თუ რა წიგნები შესწირეს, დავებეჭდავდით...
 გრ—ლ ჩ—ს. კარგი დავემართოსო, კარგი იყოს, რომ იმისთანა ვეთილ-სვინიდიანი მეოჯახნი იყვნენ შაგირდების დასაბინებულად. მაგრამ, სამწუხაროდ, დღეს იშვიათია ამისთანა ოჯახები. იმედა სასწავლებლის საშმარველო ყურადღებას მიექცეს ყველა შაგირდების ცხოვრებას კერძო ბინებზედ.

შინდარსი: იმერეთის ეპარქიის სამღვდლოების დებუტატო კრება ქ. ქუთაისში. — მწარე ფიქრები. — ვეძღვნი მოსწავლე ქართველობას (ლექსი). — ფუფუნება. — პედაგოგიური შენიშვნები სამრ. სკ. მასწავლებელთა საურადღებოდ. — ბედის ტაძარი. — ახალი ამბები და შენიშვნები. — რედაქციის პასუხი.